

Julie Bellinkx
Melanie Louwerens

Ovo je publikacija Fondacije
AMBER Alert Europa

ZEKINA TUTNJAJUĆA AVANTURA

**Priča o tome kako slijediti svoju intuiciju
i kako se čuvati**

Znak štampa

Autorsko pravo 2023 Fondacija AMBER Alert Europa

www.amberalert.eu

Autor: Julie Bellinkx

Ilustracija i izgled: Melanie Louwerens

Posebna zahvala: Dr. Evelien Speel-Flierman (Psiholog za djecu i mlade NIP, GSZ psiholog BIG), Kirsten van den Berg (Naučnica ponašanja), Mariska Custers (Psiholog), Nele Geerts (Ilustrator), Carlo Schippers (Stručnjak za nestale osobe koji je radio u policiji Nizozemske, Dr. Arine Vlieger (Pedijatrica)

Nijedan dio ove publikacije ne smije se reproducirati, pohraniti u sistem za pronalaženje ili prenijeti u bilo kojem obliku ili na bilo koji način, elektronski, mehanički, fotokopiranjem, snimanjem ili na drugi način, bez dozvole izdavača.

ZEKINA TUTNJAJUĆA AVANTURA



AMBER
AL·))RT.eu

Lijep je dan u Zekogradu.

Sunce jarko sija.

Zeko i njegova prijateljica Ježa trče kroz travu.

Dok se kikoću i igraju, travke ih golicaju po stomaku.



Zeko odjednom zastade i uzdahnu.
Uvijek se igra na istoj zelenoj livadi,
sa istim travkama koje ga golicaju.

“Šta nije uredu, Zeko?” upita ga zabrinuta Ježa.
“Volio bih da se igramo negdje drugo.” reče Zeko.
“Negdje gdje do sada nismo bili.”
Dok je razmišljala, Ježine oči zablistaše od
uzbuđenja. “Imam odličnu ideju! Hajdemo u
šumu.”



Zeko zastade da razmisli.

Mama i tata su ga upozorili na šumu.

Ako oni nisu u blizini dozvoljeno mu je da se
udalji samo do velikog starog hrasta .

Odjednom, Zeko začuje čudan zvuk.

“Rrr-rrr-rrr.”

“Hej, odakle dolazi taj zvuk?”

On pogleda oko sebe.

“Rrr-rrr-rrr.”

Zeko se počea po uhu, kako čudno!

RRR

RRR

RRR



“Hej Ježa, čuješ li i ti taj čudni zvuk?” upita Zeko.

Ježa načuli uši i pažljivo poslušao.

“Koji zvuk? Ja ne čujem ništa!”

Zeko odmahnu glavom. Možda mu se učinilo.




Stigoše do ruba šume.


“Ideš li?” doviknu Ježa.

“Ne znam” zamuca Zeko.

“Mama i tata su rekli da ne idem u šumu bez njih.”



ŠUMA




A watercolor illustration of a hedgehog standing in a forest. The hedgehog is light beige with a large pinkish-red belly and brown spines. It has small blue eyes and a tiny black nose. To its right is a large, textured brown tree trunk. The ground is green with some yellow wildflowers and fallen brown leaves. Two acorns are on the ground near the tree. In the upper left, a single brown leaf is floating in the air. The background is a pale yellowish-white.

“Ne budi tako plašljiv” reče mu Ježa.

“Ja imam oštre bodlje. Ništa nam se neće desiti.”

Zeko je radoznao. Čuo je toliko priča o šumi.



A osim toga, nije sam.

Sigurnije je kada su zajedno.

“Rrr-rrr-rrr”

”Kakav je to zvuk?”

pita se Zeko dok slijedi Ježu u šumu.

Zeko i Ježa zalutaše dublje u šumu.

Šetali su pored potoka i šumskim stazama, pored zelenog drveća i crvenog cvijeća, na trenutak zaboravljajući gdje su.



Odjednom su čuli šuštanje iz obližnjeg grma.
Zaledili su se, uplašeni onim što se možda krije unutra.
“Može li ovo biti mjesto odakle dolazi čudni zvuk?” pomisli Zeko.

Iz grma se pojavi crveni, čupavi
rep. “Zdravo, ko je tamo?” upita
Ježa. “Ja sam ovdje.” odgovori
životinja.



Dva crvena čupava uha izviriše iz grma.

“To nisu zečje uši!” uzviknu Zeko.

“Da, jesu!” reče životinja.

“Pridi bliže pa ćeš vidjeti.”



Zeko nasluti da nešto nije uredu.

Čupavi crveni rep i uši znače samo jedno: Lisica!

“Rrr-rrr-rrr.”

Zvuk je sada glasniji nego prije.

RRR RRR RRR

“Moramo otići odavde, Ježa! Inače ćemo biti ukusni obrok!”

Njihova srca su brzo tukla dok su jurili kroz šumu.



Dvoje prijatelja stigoše do otvorenog proplanka u šumi.

“Gdje se nalazimo?” upita Zeko zabrinuto.

“Nisam sigurna.” odgovori Ježa, češući se po glavi.“

“Ali znam da smo daleko od Zekograda.”

“Rrr-rrr-rrr.”



RRR RRR RRR

Zeko ustuknu. “Jesi li čula to?”

Ali Ježa još uvijek nije ništa čula.



“Tamo!” Ježa uzviknu. “Veliko staro stablo hrasta.”

Stablo hrasta se uzdizalo iznad šume.

“Ako se budemo kretali prema stablu hrasta,
sigurno ćemo stići nazad u Zekograd.”




Zeko i Ježa su hodali i hodali.

“Mislim da ne približavamo bliže kući.” zapazi
Zeko.

Iznenada, zemlja se pođe tresti.

Približavali su se bućni koraci.





“Medvjedi!” uzviknuše Zeko i Ježa,
i brzo se sakriše u grm.
Porodica medvjeda je prolazila pored grma.
Mladunče medvjeda je sjedilo na maminim leđima.
“Hej, tamo je maleni medvjed također” prijatelji su šaputali.
“Možda medvjedi i nisu tako strašni?”

“Hoćemo li ih pitati za pomoć? U suprotnom, nikada nećemo stići kući.” zacvili Ježa.

“Rrr-rrr-rrr!”

Zvuk je sada glasniji nego ikada.

“Dodi.” reče Zeko. “Idemo.”

RRR

RRR

RRR

“Z...z...zdravo.” reče Zeko postideno porodici medvjeda.

“Izgubili smo se. Da li biste nam mogli pokazati put do Zekograda?”



“Naravno.” reče jedan od medvjeda .

“Vidite li ono lijepo crveno cvijeće tamo?”

“Pratite ga dok ne dođete do velikog ribnjaka.

Kada stignete do ribnjaka, skrenite lijevo.


Malo dalje, vidjet ćete veliko staro stablo hrasta.

Kada ugledate stablo hrasta, skoro ste stigli.”



Prijatelji su zahvalili porodici medvjeda i nastavili su svoje putovanje.
Hodali su stazom sa lijepim crvenim cvjetovima.
Svaki sljedeći cvijet ljepši od prethodnog.





“Pogledaj!” uzviknu Ježa. “Veliki ribnjak.”
Baš kako im je medvjed opisao.
Prijatelji požuriše pored njega.
U daljini su vidjeli vrh velikog starog hrasta.
“Skoro smo kući!” Zeko i Ježa se obradovaše.



Nedugo zatim su stajali ispred velikog starog stabla hrasta.
Sova je sjedila visoko na grani.
Mnogo je star, najmanje stotinu godina.
“Zdravo Sovo!” Zeko i Ježa veselo se pozdraviše.
Sova ih upita šta su radili u šumi.
Zeko joj ispriča o njihovoj avanturi i čudnom zvuku kojeg je čuo.




“Da li ti znaš šta je taj čudni zvuk?” Upita Zeko Sovu.

“Znam.” odgovori Sova.

“Osluškuj pažljivo i čut ćeš ga.”

Zeko osluhnu pažljivije.



The illustration shows a close-up of a cat's belly, which is a light cream color and covered in fine, yellowish hairs. The belly is framed by the darker, brownish fur of the cat's body. The sound 'RRR' is written twice in a bold, brown, hand-drawn font. The first 'RRR' is positioned above the second 'RRR'.

RRR
RRR RRR

Zatim začu svoj trbuh kako zatutnja.

“Rrr-rrr-rrr.”

“Taj zvuk dolazi od mene!” reče Zeko iznenađeno.

Dodirnu svoj trbuh.

“Tako je.” reče Sova.

“To je tvoja intuicija, nešto poput unutarnjeg glasa.

Tvoja intuicija ti govori kada je nešto uredu ili kada nije.

Ako naučiš da joj vjeruješ, tvoja intuicija ti može pomoći
u donošenju odluka.”



Zeko klimnu glavom misleći na sve avanture u šumi.
Njegova intuicija mu je također pokušala pomoći danas.
Od sada ću uvijek slušati tutnjavu u svom trbuhu, pomisli Zeko.



Zeko i Ježa su sjedili na zelenom brežuljku nedaleko od velikog starog hrasta.

U tišini su gledali zalazak sunca nad Zekogradom.

Iznenada, Ježin stomak se začu glasno.


“Da li je to moja intuicija?” upita Ježa.

Zeko se nasmija. “Ne, i ja sam ga čuo. Mislim da si samo gladna.

Nisi ništa jela cijeli dan!”



I tako, pustolovina Zeke i Ježe završava sa tutnjavom u trbuhu i spoznajom da mogu vjerovati svojim intuicijama u njihovim narednim pustolovinama.



Pripovjedačima

Zekina tutnjajuća avantura je kreirana sa ciljem da nauči djecu kako da sebe zaštite od nestanka.

Svake godine, 300 000 djece nestane u Evropi. Kako bi smanjili ovaj zapanjujući broj, važno je naučiti djecu u najranijoj dobi vještinama i znanju koja su neophodna da ostanu sigurna.

Sa *Zekinom tutnjajućom avanturom*, djeci su na zabavan i pozitivan način prikazana važna osnovna pravila. Ova osnovna pravila se zasnivaju na pet savjeta stručnjaka iz oblasti nestale djece:

- 🌰 Uvijek vjerujte svojim instinktima. Ako vam se ne čini uredu, nemojte to činiti.
- 🌰 Nikada ne idite negdje sami. U društvu je sigurnije.
- 🌰 Nigdje nemojte ići sa nekim koga ne poznajete ili čiji dolazak nije najavljen.
- 🌰 Upitaj nečije roditelje za pomoć ako si se izgubio/la.
- 🌰 Naučite da primjetite obilježja iz okruženja. To će olakšati pronalazak puta nazad.


Ukratko, *Zekina tutnjajuća avantura* nije samo uzbudljiva i lijepa slikovnica, nego je i vrijedan dodatak edukaciji Vašeg djeteta.



Fondacija **AMBER Alert** **Europa**

AMBER Alert Europa, Evropski centar za nestalu djecu, je fondacija koja teži da unaprijedi zaštitu nestale djece, te da spriječi nestanak djece osnažujući ih i podižući svijest o problemu nestale djece i njegovih osnovnih slučajeva. Mi povezujemo stručnjake iz 44 vladine organizacije, posebno ministarstva unutrašnjih poslova i policijske agencije, kao i nevladine organizacije iz 28 zemalja, u našoj misiji da se spriječi nestanak djece u Evropi.

www.amberalert.eu



ZEKINA TUTNJAJUĆA AVANTURA

U Zekinoj tutnjajućoj avanturi, Zeko i njegova prijateljica Ježa idu u avanturu u šumu, u potrazi za čudnim zvukom kojeg Zeka može čuti. Tokom putovanja, oni sreću nove prijatelje i zatiču se u uzbudljivim situacijama. Hoće li Zeko i Ježa uspjeti otkriti misteriju odakle dolazi čudni zvuk?



AMBER
ALERT .eu